

**ՀՀ ՊԱՇՏՊԱՆՈՒԹՅԱՆ ԵՎ ԿԱՏԱՐՈՒԹՅԱՆ ԿԱՐԻՔՆԵՐԻ ՀԱՄԱՐ ԾԱՌԱՅՈՒԹՅՈՒՆՆԵՐԻ ԳՆԱՆ
ՊԱՅՄԱՆԱԳԻՐ N° ՄԱԾԶԲ-12-6**

Ք.Երևան

02.09.2019թ.

ՀՀ պաշտպանության նախարարությունը, ի դեմս ՀՀ պաշտպանության նախարարի տեղակալ Մ. Ղամբարյանի, ով գործում է նախարարության կանոնադրության հիման վրա՝ այսուհետև՝ Պատվիրատու, մի կողմից և «ԷԼ ԶԻ ՄԵԴԻԱ» ՍՊԸ-ն, ի դեմս ընկերության տնօրեն Ա. Բաղդասարյանի, այսուհետև՝ Կատարող, մյուս կողմից, կնքեցին սույն պայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում ծառայությունների մատուցման պարտավորությունը (այսուհետև՝ Ծառայություն)՝ համաձայն սույն պայմանագրի անբաժանելի մասը կազմող N° 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է սույն պայմանագրի N° 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է սույն պայմանագրի N° 1 հավելվածում նշված Տեխնիկական բնութագիր-գնման ժամանակացույցին չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը սույն պայմանագրին համապատասխանող Ծառայությամբ անհատույց փոխարինման որջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել սույն պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը.

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում սույն պայմանագրի N° 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Սույն պայմանագրի N° 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1) և հանձնման-ընդունման արձանագրության 3 օրինակ (հավելված N 3):

3.2 Հանձնման-ընդունման արձանագրությունն ստորագրվում է, եթե մատուցված Ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված (5) հինգ աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ծառայությունը չընդունելու պատճառաբանված մերժումը:

3.4 Եթե սույն պայմանագրի 3.3 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա Ծառայության ընդհանուր գինը կազմում է 36 300 000 /երեսունվեց միլիոն երեք հարյուր հազար/ ՀՀ դրամ: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի N 2 հավելվածով սահմանված վճարման ժամանակացույցով նախատեսված ամսում (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 քանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Ծառայության դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան 10.12.2019թ.:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 10-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Ծառայության մատուցման՝ սույն պայմանագրի պահանջների պահպանման համար:

5.2 Սույն պայմանագրի № 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Սույն պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (\$ՈՐՄ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ցրտեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

7.2 Սույն Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

ՏԵԽՆԻԿԱԿԱՆ ԲՆՈՒԹԱԳԻՐ ԵՎ ԳՆՄԱՆ ԺԱՄԱՆԱԿԱՑՈՒՅՑ

Ծրագրային ապահովման մշակման ծառայություններ – ձմեռային զորակոչի արդյունավետ կազմակերպման նպատակով, www.dasaran.am կայքի տրամադրած հարթակի միջոցով, արդեն իսկ ստեղծված հատուկ մոդուլների հիման վրա տվյալների հավաքագրում, մշակում և հասանելիության տրամադրում բացառապես ՀՀ պաշտպանության նախարարությանը:

Հավաքագրման ենթակա տվյալների շրջանակը հետևյալն է.

- տվյալներ աշակերտի առաջադիմության մասին,
- դասղեկի կարծիքն աշակերտի մասին,
- ռազմագիտության ուսուցչի կարծիքն աշակերտի մասին,
- ֆիզկուլտուրայի ուսուցչի կարծիքն աշակերտի մասին,
- տրամադրված կարծիքների և բնութագրերի հաստատում տնօրենի կողմից,
- տվյալներ ընդունելության քննությունների արդյունքների մասին,
- տվյալներ այն համալսարանի մասին, որտեղ աշակերտն ընդունվել է,
- տվյալներ (ապանձնավորված) առողջության և զինծառայությանը պիտանի լինելու մասին,
- տվյալներ (ապանձնավորված) զորակոչիկների արյան կարգի, հագուստի և կոշիկի չափի վերաբերյալ՝ համազգեստի ապահովման արդյունավետ պլանավորման նպատակով:

Ծառայությունն մատուցելու նպատակով մատակարարի կողմից պետք է իրականացվեն հետևյալ գործողությունները՝

- ծրագրավորման ծառայություն,
- դիզայնի և տեխնիկական ծառայություն,
- թեստավորում,
- համակարգերի նախագծում և արմինիստրավորում (System admin service),
- բովանդակության ստեղծում և խմբագրում (տեխնիկական),
- տեխնիկական սպասարկում,
- ծրագրի սպասարկում և շահառուների իրազեկում,

Ծառայություններ մատուցողը պետք է ունենա.

- անհրաժեշտ տեխնիկական և ծրագրային միջոցներ, այն է համակարգիչների բավականաչափ քանակ և տվյալների անվտանգ փոխանակում ապահովող ծրագրային լուծումներ,
- նմանատիպ աշխատանքներ իրականացնելու նվազագույնը 1 տարվա փորձառությամբ մշտական անձնակազմ
- ապահովված լինի գրասենյակային բավարար տեխնիկական պայմաններով,
- սեղմ ժամկետներում աշխատելու ունակություն:

Ծրագրային ապահովման սպասարկման ծառայություններ – ՆԶՊ հեռահար ուսուցման, հայրենասիրական դաստիարակության և ռազմական կրթության վերաբերյալ տեղեկատվության տարածման ապահովում՝ www.dasaran.am կայքի տրամադրած հարթակն օգտագործելու միջոցով: Տեղեկատվության տարածումն իրականացվում է կայքում ստեղծված հատուկ մոդուլի միջոցով, որի մեջ ներառվելու են.

1. Բանակ և իրավագիտություն պաշտոնական էջ (զարգացվող).

- հարցումների անցկացում՝ օգտատերերի արձագանքը նշված հարցի վերաբերյալ ստանալու նպատակով (արդյունքում ստացված տեղեկատվությունը կարող է օգտագործվել որպես համապատասխան վերլուծությունների և որոշումների կայացման հիմք),

-տեղեկատվության հասանելիության ապահովում՝ անկախ աշխարհագրական դիրքից և սոցիալական կարգավիճակից,

- տվյալահեն քաղաքականության մշակման հնարավորություն,

- տեքստային և տեսապատկերային բովանդակության տարածման հնարավորություն (նյութեր, արտաքին հղումներ, նկարներ, YouTube-ի տեսանյութեր):

- հետադարձ կապի ապահովման հնարավորություն:

Շաբաթական՝ 3 հրապարակում:

2. «Բազմական հանրագիտարան բաժին ներքոհիշյալ թեմաների վերաբերյալ (նոր տեղեկատվական նյութերի մշակում և տեղադրում).

- հայկական զինվորական կազմավորումների պատմություն,

- ՀՀ ազգային բանակ,

- Արցախյան ազատամարտ,

- ՀՀ զինված ուժերի կառուցվածք և զորատեսակներ,

- զինծառայողներին շնորհվող կոչումներ,

- ռազմական ոլորտին առնչվող այլ թեմաներ:

Շաբաթական՝ 1-2 հոդվածի մշակում և տեղադրում

3. «Դիմորդի անկյուն բաժին: Պարունակում է.

- տեղեկատվություն ռազմական ուսումնական հաստատությունների, մասնագիտությունների, ընդունելության կարգի, քննությունների, անցողիկ միավորների և ազատ տեղերի, ինչպես նաև արտասահմանում ուսումնառության հնարավորությունների մասին,

- գովազդային արշավ ԲԻՈՒՀ-երի համար՝ ըստ պահանջի, մասնավորապես ընդունելության շրջանում:

Բոլոր ռազմական ուսումնական հաստատությունների վերաբերյալ տեղեկությունների ամբողջական տեղադրում ցանկում և թարմացումներ՝ ըստ անհրաժեշտության:

4. «Ես գիտեմ. բանակ և իրավագիտություն ռաուցողական խաղ, որի միջոցով իրականացվում է տեղեկատվության փոխանցում հետևյալ ուղղություններով՝

- նախնական զինվորական պատրաստության հիմնահարցեր,

- ՀՀ սահմանադրական իրավունք,

- ՀՀ ՄԻՊ-ի մասին օրենքներ,

- ՀՀ երեխայի իրավունքների մասին օրենքներ,

- ՀՀ զինվորական օրենսդրություն,

- ՀՀ քրեական օրենսգիրք,

- ապագա զորակոչիկների իրավունքներ:

Խաղի բովանդակության ավելացում, փոփոխություններ և թարմացումներ:

Ծառայությունն իրականացնելու նպատակով Կատարողի կողմից պետք է իրականացվեն հետևյալ գործողությունները՝

- բովանդակության ստեղծում և խմբագրում,
- պաշտոնական էջի և հանրագիտարանի վարում,
- հեռակա սարքավորումների (Սերվերների) վարձակալություն և սպասարկում,
- համակարգերի նախագծում և ադմինիստրավորում (System admin service),
- դիզայներական ծառայություն,
- ծրագրավորման ծառայություն,
- տեխնիկական սպասարկում:

ԳՆՄԱՆ ԺԱՄԱՆԱԿԱՑՈՒՅՑ

Հ/հ	Անվանումը	Չափի միավորը	Քանակը	Գինը/դրամ/	Գումարը	«Ղ դրամ
						Գնման ժամանակացույց
1	Ծրագրային ապահովման մշակման ծառայություններ, այդ թվում՝	դրամ	1		26 300 000	
	Զորակոչային տարիքի երիտասարդների մասնագիտական ունակությունների վերաբերյալ տվյալների ծրագրային ապահովման մշակման ծառայություն	հատ	1	26 300 000	26 300 000	2019թ.3-րդ, 4-րդ եռամսյակներ, բայց ոչ ուշ, քան 05.12.2019թ
2	Ծրագրային ապահովման սպասարկման ծառայություններ, այդ թվում՝	դրամ	1		10 000 000	
	Հանրակրթական դպրոցներում նախնական գինվորական պատրաստության ուսուցման համար ծրագրային ապահովման սպասարկման ծառայություն	հատ	1	10 000 000	10 000 000	2019թ. 3-րդ եռամսյակ

Հավելված N 2
ՄԱԾՁԲ-12-6 ծածկագրով գնման պայմանագրի

Վճարման ժամանակացույց

Հ/Հ	Ծառայության անվանում	CPV-ի կոդը՝	*Նախատեսվում է ֆինանսավորել «Ղ 2019թ. Պետական բյուջեից ըստ ամիսների, բայց ոչ ուշ քան 10.12.2019թ			
			սեպտեմբեր	հոկտեմբեր	նոյեմբեր	դեկտեմբեր
1	Ծրագրային ապահովման մշակման ծառայություններ	72261110/1	13 150 000	26 300 000	26 300 000	26 300 000
2	Ծրագրային ապահովման սպասարկման ծառայություններ	72261160/1	10 000 000	10 000 000	10 000 000	10 000 000

ՊԱՏԻՐԱՏՈՒ
«Ղ պաշտպանության նախարարություն
«Ղ պաշտպանության նախարարի տեղակալ
Մ. ՂԱՄԲԱՐՅԱՆ

ԿԱՏԱՐՈՂ
«Ղ ՋԻ ԱԵ ԳԻՆԱ ԿՊՁ
Տնօրեն՝ **Ա. ԲԱՂԴԱՍԱՐՅԱՆ**

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը

գնման պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն